



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 21. Stephanus V. Papa.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

& argentum plusquam millium viginti
& unius fuit. Præterea hæc de Libris Sæculum IX.
A. C. 816.
Romanis duodecim unciarum accipien-
da sunt.

Ad Leonem tertium spectare credi-
tur, quod quidam Auctor coævus scri-
bit, fuisse, qui non nunquam de die se-
pties aut etiam novies Missam celebra-
ret. Nimirum quando Festum solemne
& multitudo populi suadebat plures
Missas cantari, ipse solus omnes celebra-
bat. Ter non sæpius ordinavit, semper
mense Decembri, atque Presbyteros tri-
ginta, Diaconos undecim, & per diver-
sa loca Episcopos viginti sex consecra-
vit. Obiit undecima Junii anno octin-
gentesimo decimo sexto, & altera die ad
S. Petrum sepultus est. Ceterum Leo III. Boll. 12.
Jun. to. 20.
p. 572.
inter Sanctos colitur, postquam ipsius
Nomen ex Decreto Congregationis Ri-
tuum anno 1673. Martyrologio Roma-
no insertum est.

§. XXI.

Stephanus V. Papa.

Sacra Sede non plus decem diebus va-
cante Stephanus V. secunda Domini-
ca post Pentecosten vigesima secunda Ju-
nii anno octingentesimo decimo sexto
ordinatur. Nobili genere ortus, pueru-
lus deinde Palatii Patriarchalis Latera-
nensis alumnus, Hadriani Papæ cura e-
duca-

Sæculum IX. ducatus est. Leo Hadriani Successor
 A. C. 816. pietatem & humilitatem Stephani suspi-
 cians Subdiaconum ordinavit, cumque
 in studio rerum spiritualium quotidie
 magis proficientem cerneret, ordine Dia-
 conatus insignivit; quo munere Step-
 hanus ea integritate functus est, ut Leone
 Pontifice vita functo unanimi omnium
 suffragio eligeretur. Papa ordinatus ni-
 hil antiquius habuit, quam ut juberet,
 totum populum Romanum Ludovico
 Imperatori fidelitatem cum juramento
 promittere. Unde dispicimus, summum
 in Urbem Imperium (*) nec Papæ nec
 Regi Bernardo fuisse. Simul Stephanus
 Legatos direxit in Franciam, qui Papam
 se esse ordinatum Imperatori nuntiarent,
 & ipsius desiderium Principem, quocun-
 que jussisset, adeundi aperirent. Lega-
 tos suos ipse secutus, sub initium Augu-
 sti itineri se dedit.

Ludo-

(*) Jura tamen Principatus Summo Pontifici
 fuisse acquisita, liquet ex verbis Constitutionis
 Ludovici Imperatoris, quæ infra occurret, ubi
 Donationes Caroli Magni confirmans dicit:
*Has omnes Provincias . . . Paschali Sum-
 mo Pontifici, & Universali Papæ ejusque Suc-
 cessoribus usque ad finem Sæculi eo modo con-
 firmamus, ut in suo detineant jure Principatus
 ac Ditione &c.* In Card. Bar. ad hunc ann.

Ludovicus Imperator accepto hoc nuncio lætissimus, missis ad Bernardum nepotem suum mandatis, jubet eum Papam comitari in itinere, & obviam mittit Legatos, qui eidem obsequia præstarent, & Rhemos deducerent, ubi Pontificem præstolari constituerat. Ubi nuntiatum, Papam advenire, Hildebaldo Archicapellano, Theodulfo Episcopo Aurelianensi, Joanne Archiepiscopo Arelatensi pluribusque aliis præmissis vestitu Episcopali fulgentibus, ipse Imperator passus mille e Monasterio S. Remigii obviam processit. Mox ambo ex equo descendunt, & Imperatorem ter ad pedes suos prostratum tertia vice Pontifex sua manu erexit. Salutem mutuo sibi dixerunt lingua latina, & Imperator quidem his verbis: Benedictus, qui venit in Nomine Domini: Respondente Papa: Benedictus Deus, qui dedit, ut alterum Davidem oculis nostris videremus. Tum in amplexus ruunt, & procedunt ad Ecclesiam Imperatore Papam manu sua sustentante. Cantatur Hymnus: Te Deum &c. cumque Papa & Imperator diu in silentio orassent, surgens Papa cum Clericis suis elatis vocibus laudes seu acclamationes precesque pro Imperatore cantavit, quas peculiari oratione clausit. Itur in domum, ubi Papa Imperatori itineris sui causam exposuit, quam

Sæculum IX.

A. C. 816.

Astronom.

Sæculum IX. nemo Scriptorum litteris prodidit. Sum-
A. C. 816. pto deinde pane & vino in Benedictio-
 nis signum, Imperator Rhemos rediit, &
 Papa in Monasterio S. Remigii extra mu-
 ros Civitatis posito remansit. Altera
 die Imperator Papam ad mensam invita-
 tum lautissime pascit, & donis magnifi-
 cis cumulat.

Die tertia Papa Imperatorem invita-
 vit ad convivium & dona præparata ei-
 dem, Imperatrici & Proceribus tradidit.
 Die vero sequente, quæ erat Dominica,
 Papa ante Missam denuo Imperatorem
 unxit, coronam capiti imponit gemmis
 distinctam, quam ad id ipsum attulera,
 & iterum coronam aliam Irmingardi im-
 posuit, quam Augustam appellavit.
 Quamdiu deinde ibi diversatus est Pon-
 tifex, singulis diebus cum Imperatore de
 causis Ecclesiæ colloquebatur. Tandem
 omnibus, quæ petebat, impetratis, & mu-
 neribus multo pretiosioribus, quam ipse
 Imperatori dederat, onustus, in Italiam
 viam relegit.

§. XXII.

Ebbo Archiepiscopus Rhemensis.

*op. Car. Cal.
 to. 8. Conc.
 876.*

Wulfario Archiepiscopo Rhemensis sub
 idem tempus, nempe decima o-
 ctava Augusti anno octingentesimo de-
 cimo sexto fatis functo, populus conce-
 dente Imperatore elegit Archiepiscopum
 Rhemen-